

**45avla radunonza generala dil Selvaclub Sagogn  
vendergis, 5. d'october 2018, aula, casa da scola**

**Perstgisas:** Sepi e Petra Cavelti, Pius e Brigitte Panier, Roman Caderas, Isidor e Lisabeth Caderas, Claudia Derungs, Lea e Chiara Arpagaus, Regula Camathias.

**Presents:** 14 personas (tenor gliesta)

**Tractandas:**

1. Beinvegni
2. Elecziun dumbravuschs
3. Protocol radunonza generala 2017
4. Rapports annuals a) dalla suprastonza  
b) dils caus Giuventetgna + Sport (Patric Caderas, Janic Camathias)
5. Rendaquen
6. Rapport dils revisurs ed approvaziun dil quen
7. Reponderaziun/approvaziun contribuziun per producir neiv
8. Preventiv 2018/19
9. Contribuziun annuala
10. Elecziun d'in niev president/d'ina nova presidenta
11. Program da lavur 2018/19
12. Orientaziuns e varia

### **1. Beinvegni**

En num dalla suprastonza fa Harald Schöpf in cordial beinvegni als presents. El menziuna che la radunonza seigi stada publicada 2 gadas el Fegl Official ed ella Ruinaulta.

### **2. Elecziun dumbravuschs**

Arianna Darms vegn elegida sco dumbravuschs.

### **3. Protocol radunonza generala 2016**

Il protocol han ins saviu leger silla pagina dil Selvaclub ed el ei staus a disposiziun per prender envesta ina mes'ura avon la radunonza. El vegn buca pli prelegius.

Il protocol vegn approbaus unanimamein.

### **4. Rapport annual**

#### **a) dalla suprastonza**

Harald lai aunc ina gada revive gl'unviern vargau: Cuort e bien, igl ei stau in unviern da siemi. La Tegia Nordica cull'entira purschida (vender bigliets e cartas da sesiun, schar a tscheins material da cuorsa liunga ed ustria) ei stada aviarta dils 17-12-17 tochen ils 11-3-18, pia bunamein treis meins quasi mintga gi. Il test da skis/fuffernadi da cuorsa liunga l'entschatta schaner ein stai cun varga 100 personas in success cumplein. Era la fiasta da neiv il fevrer ha tratg massa glieud sil plaun da Sagogn. Aunc ina gada in grond engraziament a tuts gidonters e tuttas gidontras per la lavur ed igl engaschi!

Da nossa JO han 30 affons fatg part gl'unviern vargau. Pli u meins tut ils trenaments han giu liug sin neiv. In cordial engraziament a tuts trenaders per lur grond engaschi a favur dils affons.

Il Selvaclub ha duas novas trenadoras. Sina Cavelti e Selina Shresta han fatg ils cuors e sustegnan ussa il team da trenaders. Cordiala gratulaziun e grond applaus.

In cordial engraziment als geniturs pil grond sustegn, als preparaders dils skis Sepi ed Enrico, al coach da G+S Roman, a Martin Bundi per tgirar la homepage, a tut ils gidonters ed als consuprastonts per la buna collaboraziun.

### **b) Rapport dils caus G + S, Patric Caderas e Janic Camathias**

La sesiun 2017/18 ha entschiet ils 2 da settember 2017 cun 30 affons e 5 trenaders.

Ils 23/24 da settember havein nus passentau ella hetta «Crap la Foppa» sur Flem.

En tut han giu liug 40 trenaments ed il club ei separticipaus allas cuorsas digl EnergiAlpina cup. Als gis da G+S ei nies club buca staus presents muort memia pauc annunzias. Al gi da sport dil SST vi Flem ha il Selvaclub buca fatg part uonn, era cheu muort munconza d'annunzias.

Sco davos fa Patric aunc in appel a tuts presents da far reclama per l'JO da cuorsa liunga, per ch'il diember d'affons sesminueschi buca puspei marcantamein ils proxims onns.

Alla fin engrazia Patric als trenaders, spezialmein a Janic per sia gronda lavur prestada, allas giuvnas trenadoras Sina e Selina ed alla suprastonza. In special engraziel a tuts geniturs per lur sustegn.

### **5. Rendaquen**

Il cassier René Wellinger declara il quen annual 2017/18. La facultad dil Selvaclub munta ils 30-9-2018 a frs. 81'807.10. Il club astga nudar in gudogn da frs. 22'111.80. Quei ei fetg legreivel.

### **6. Rapport dils revisurs**

Ils revisurs Enrico Arpagaus e Hans Niederberger han constatau che tut las quittanzas ein avon maun e che la contabilitad vegn menada schuber e bein. Enrico engrazia a René per la buna lavur prestada ed il grond engaschi a favur da nies club dapi varga 30 onns! Il quen vegn approbaus unanimamein.

### **7. Project da producir neiv unviern 18/19**

Ils cuosts per quei project vegnan a restar ella rama sco previu gl'onn vargau.

La loipa duei esser semtgada sin ca. miez december 2018.

### **8. Preventiv 2018/19**

Per la proxima stagiun quenta il cassier cun ina sperdita da frs. 25'000.-- damai ch'il club ha cumprau nova vestgadira da cuorsa liunga pils affons dad JO.

Harald engrazia a nies premurau cassier René per sia grondiusa lavur.

### **9. Contribuziun annuala**

La contribuziun annuala pils commembers resta sco tochen ussa sin frs. 40.—.

Ils commembers dil SST pagan naven da 18 onns la contribuziun da frs. 140.— (analog comembers A) e negina contribuziun pli egl JO.

### **10. Elecziun d'in niev president/nova presidenta**

Dunna Marianna Manetsch sepresenta. Ella ei promta da surprender la carica sco presidenta dil Selvaclub. Ella vegn elegida unanimamein cun grond applaus.

### **11. Program da lavur 2017/18**

|                                                                                   |             |
|-----------------------------------------------------------------------------------|-------------|
| drizzar en pil menaschi d'unviern                                                 | 17-11-2018  |
| Test da skis, fuffernadi e fiasta da neiv                                         | 06-01-2019  |
| Cuorsa EnergiAlpina Cup a Sagogn                                                  | 19-01-2019  |
| (mo sche nus havein buca dad organisar la finiziun dil EnergiAlpina nordic cup!!) |             |
| Event pils commembers dil club                                                    | fevrer 2019 |
| fin dalla stagiun                                                                 | 10-03-2019  |

### **12. Orientaziuns e varia**

Igl ei puspei previu d' illuminar la loipa il margis e la gievgia, mintgamai dallas 18.00-21.00 (cun tualetta publica aviarta). Forsa eisi pusseivel dad illuminar era la mesjamna.

Ils affons digl JO pagan ina contribuziun annuala da frs. 120.— incl. vestgadira e daners da partenza.

Gis da G+S a Claustra, ils 2-2-2019. Il Selvaclub separticipescha sche avunda affons s'annunzian.

Camp da trenament, ils 11 – 13-1-2019 el Bregenzerwald, Hochhäderich. 15 affons ein s'annunziai. Forsa hai aunc geniturs che vuessan accompigniar nus e guder leu el hotel empau «wellness»!?

Tegia Nordica: Uonn meina Vanessa Panier la tegia. La paga munta niev a frs. 20.--/ura. Harald giavischa bien success ad ella e sincerescha ch'ella sappi quintar cul sustegn dalla suprastanza.

Ils presents decidan, che la tegia duei arver silmeins so/du gia allas 9.30.

**Fin dalla radunonza:**

**allas 21.30**

Sagogn ils, 20 da december 2018

L'actuara  
Amanda Beeli